



UNIVERSITÄTS-
BIBLIOTHEK
PADERBORN

Catalogus Episcoporum Hildesiensium

Letzner, Johannes

Hildesheim, [ca. 1690]

XLIX. Valentinus

[urn:nbn:de:hbz:466:1-64252](#)

• 32 •

profectus est: inde autem discessurus, cum ipsa Pentecostes solenni die equum concenderet, apoplexiā tactus, editis pœnitentis animi signis, morte repentina decessit: ibidem in Ecclesia tergeminâ S. Simeonis terræ mandatus.

XLVIII. OTTO Comes Schowenburgicus, antè Ecclesiæ Hildesiensis Præpositus nominatus, cum esset Wilhelmi Nassoviæ Comitis ex Sorore nepos, Wilhelmus summâ, quâ apud Cæsarem pollebat, gratiâ, omniq; studio allaboravit, ut Hildesiensis Insula nepoti cederet. Quare à Cathedrali Capitulo, in afflictissimo Diœceseos statu, omnia rursum meliora sperante, conjunctis suffragiis electus est. Verum recens Electus juvenili adhuc agitatus calore, vitæq; licentioris amore captus, confirmationem Pontificis, cum toto sexennio petere negligeret, Sanctitas sua pro nova electione semestre præscripsit, quo si electio non procederet, vi ad se devoluti juris Antistitem se substituturum comm inatus est. Proinde Otto aut ordines suscipiendos, aut Episcopatum sibi deserendum advertens, liberam Capitulo electionem permisit, & coniubii impulsus amore, Præposituram Fratri suo Adolpho, postmodum Colonensi Archi-Episcopo, transcripsit.

XLIX. VALENTINUS A TETELEBEN
Prænibili stemmate in Misnia oriundus Moguntinæ, Magdeburgensis, & Hildesiensis Ecclesiæ Canonicus, Francofurtensis Præpositus, & Archi-Episcopi Moguntini in Spiritualibus Vicarius, Doctorali laureâ, prudentiâ, circumspectione, castissimæ, integerimæq; vitae laude conspicuus, atq; ob rara naturæ,

gra-

gratiæq; talenta Episcopali honore dignissimus; quem, diu reluctatus, tandem tamen ope divinâ fretus acceptavit. Mox Romam profectus à Pontifice confirmationem, & à Carolo V. Imperatore regalia obtinuit. Subinde Hildesium redux, magno omnium Ordinum gaudio & plausu suscepitus Anno 1538. 28. Maij Episcopatū possessionem adiit. A Serenissimis Ducibus vicinis, porrecto libello, occupata Diœceseos loca repetiit; at repulsam passus, Romam rursus contendit litem promoturus, quæ & in Cardinalium Conistorio favorabiliter decisa est: quoniam verò Carolus V. ob singularem Ducis Henrici fidelitatem erga Cæsarem, & in fide Catholica constantiam, decretum suum retractare nolebat; Valentinus, licet extrema omnia tentaret, actum agebat. Interea Anno 1543. Civitas Hildesiensis desertâ Religione antiquâ Romano-Catholicâ, (in quâ per Guntharium, primum Hildesiensem Episcopum, sub Ludovico Pio plantata, ultra septingentos annos perstiterat) ad fidem Lutheri transiit. Valentinus autem irritos cernens labores suos indefessos, tandem in mœrem, fatalemque morbum dejectus, ad sudorum præmia evolavit, Anno 1551. 28. Aprilis, in templo Minorum conditus, postquam Ecclesiam hanc 13. annis majori laude, quam felicitate gubernasset.

L. FRIDERICUS. Holstatiæ Dux & Christiani Daniæ Regis Frater, cùm Capitulum Cathedrale Præsulem potentem quæreret & amplissimam Daniæ Regis, quam Cæsar is promissa accederent, Episcopus postulatus est 3. Octobris Anno 1551. sed spes & exspectatio Capitulum fefellit: Fridericus

H

enim